

懺悔文

我昔所造諸惡業 皆由無始貪瞋癡
從身口意之所生 一切我今皆懺悔

開經偈

無上甚深微妙法 百千萬劫難遭遇
我今見聞得受持 願解如來真實義

摩訶般若波羅蜜多心經

觀自在菩薩。行深般若波羅蜜多時。照見五蘊皆
空。度一切苦厄。舍利子。色不異空。空不異色
色即是空。空即是色。受想行識。亦復如是。舍
利子。是諸法空相。不生不滅。不垢不淨。不增
不減。是故空中。無色無受想行識。無眼耳鼻舌
身意。無色聲香味觸法。無眼界乃至無意識界
無無明亦。無無明盡。乃至無老死亦無老死盡。
無苦集滅道。無智亦無得。以無所得故。菩提薩
埵。依般若波羅蜜多故。心無罣礙。無罣礙故。
無有恐怖。遠離一切顛倒夢想。究竟涅槃。三世

諸佛。依般若波羅蜜多故。得阿耨多羅三藐三菩
提。故知般若波羅蜜多。是大神呪。是大明呪。
是無上呪。是無等等呪。能除一切苦眞實不虛。
故說般若波羅蜜多呪。即說呪曰。羯諦羯諦
波羅羯諦 波羅僧羯諦 菩提娑婆訶 般若心經

延命十句觀音經

觀世音。南無佛。與佛有因。與佛有緣。佛法相
緣。常樂我淨。朝念觀世音。暮念觀世音。念念
從心起。念念不離心。

觀世音菩薩御眞言

おん ありりきやそわか (三三反)

回向文

願以此功德 普及於一切
我等與衆生 皆共成佛道

